



UNIVERSITÄTS-
BIBLIOTHEK
PADERBORN

Universitätsbibliothek Paderborn

Iacobi Philippi Tomasini Sancti Georgij ab Alga Venetiarum Canonici Secularis De Donariis ac Tabellis Votivis Liber Singularis

Tomasini, Giacomo Filippo

Vtini, 1639

XV. Coniugum Vota.

urn:nbn:de:hbz:466:1-13253

ipsi non tam tutelaris erat quàm infensa & timenda, nisi supplicationibus placaretur. Cuius metu hodierni Iudæi parietibus cubiculi hæc verba superstitiosè inscribunt: *Adam, Chaud, Chutz, Lilub, siue, procul hinc esto Lilit.*

CAPIT. XV.

CONIUGVM VOTA.

Verè quidem Romanæ Tragœdiæ Princeps in *Mædea*:
Conciliat animos coniugum parvas fere.

At quoniam non ubiq; ea matrimonij felicitas est, unum maritalis fidei vinculum superest Concordia, quæ mitigat ac diluit quicquid hic occurrit sætum. Cuius rei memores prisca inter alios Nuptiarum ritus Natalem auem, nempe Cornicem, Concordis veluti coniugij symbolam non vulgari religione sollicitabant. Quo alludens Tibullus Lib. I. Eleg. II.

Vota cadunt. Utinam strepitantibus aduolet alis,
Flauaq; coniugio vincula portet Amor.

Magnum fateor marito solatium adfert Coniugis claritas, pietas, sanctimonia, innocentia, probitas, modestia, fides, pudicitia, prudentia, diligentia, tamq; accurata proles educatio, ut filios suos proprijs uberibus educasse apud veteres posteris in laude sit relictum: Beatitudinis tamen in hac vita summam esse, annorum consensum inter Coniuges, duraturis seculo monumentis quidam testati sunt. Quid enim aliud sibi volunt hæc inter cetera saxis tradita longæ ætatis encomia? *Coniuges maritali concordia incomparabiles: coniugi amantissima.* Amplissima sanè hæc mutua benevolentia occasio: ut merito coniuges pro se inuicem vota susceperint. Quo modo Plutarchus auctor grauius tradit Artaxersem TERRÆ pro uxore votum fecisse. Facti causam & rationem optime indicat Macrobius Lib. I. Cap. X. nimirum, *ab hominibus hinc Deos*

(scilicet Saturnum, & Opem,) quasi vitæ cultioris auctores haberi. Cur vero Terra Opis dicta subdit idem, quod eius ope humana vitæ alimenta querantur. Huic (pergit idem) Deæ Opi sedentes vota concipiunt, terramq; de industria tangunt, demonstrantes ipsam matrem esse mortalibus appetendam. Ei aliàs mense Aprili Romani Bouem grauidam mastabant; itemq; Vaccas prægnantes, quarum vitulos à ministris exactos maxima Virgo cremabat; & Horatio auctore Epist. Lib. 11. Porcum, vel Scropham. Vnde Arnobius hæc sacrificia deridens Lib. 6. Telluri Matri Scropha ingens immolatur facta, ac Mineræ Virgini virgo ceditur Vitula.

PILVMNO & PICVMNO mariti Cal. Martij, qui mensis Picumno erat sacer, pro coniugij felicitate Vota faciebant. Picumnus enim cum fratre Pilumno coniugij curam gerere credebatur. Ille quippe pro stabiliendo regno ciuibus suis Sabinarum raptum concessit. Ille autem Romulo eius rapinæ auctor ferebatur.

Dianam parturientibus auxiliarem esse iam pridem intelleximus. Quidni etiam Coniuges ipsius tutelam expectent? En egregiam pro hac sententia Inscriptionem, Anno 1554. ad lacum Nemorensem effossam.

D I A N Æ

NEMORESI. VESTÆ

SACRVM. DICT

IMP. NERVÆ. TRAIANO. AVG

GERMANICO. III. COS. PRÆF

EIVS. T. VOLTEDIO. MAMILIANO

QVÆSTORIB.

L. CÆCILIO. VRSO. II. M. LVCRETIO

SABINO. II. ÆDILIB. Q. VIBENNA. QUIETO

TIB. CLAVDIO. MAGNO

P. CORNELIVS. TROPHIMVS. PISTOR

ROMANIENSIS. EX. REG. XIII. IDEM. CVR

VICI. QVADRATI. ET. LANIA. C. P. THYONOE. CONIVX

EIVS. VOTVM. LIBENS. SOLVERVNT

N 2 Sed

Sed quoniam nihil valetudine omnium optabilius pro stabilienda re familiari, iure Æsculapio suus hic defertur honos.

T. AVRELIVS. AVG. LIB
DIOSCORVS. VOIVM
ÆSCVLAPIO. SANC
TO. OB. PROCESSVS
SVOS. CVM. VALERIA
NICE. CONIVGE. ET
AVRELIS. DIOSCORIS
VICTORINÆ. FILIS

D. D

Mercurius quàm sit necessarius ad dexteritatem negotiorum, nemo magis experitur, quàm qui familia auctus pro ea sedulus enigilat. Hinc quidem pro Coniuge sic ad Mercurium.

MERCVRIO
L. PVPLICIVS
L. F. BROCCO
PRO. SALVTE
CORNELIÆ. MACRINIANÆ
VXORI

V. S

Quod etiam fata ex voto produxerit Proserpinæ benignitas, ei merito monumentum statuetur.

PROSERPINÆ
SERVATRICI
C. VETTIVS. SIL
VINVS. PRO. EV
NOIDE. PLAVTIL
LA. CONIVGE. SIBI
RESTITVTA
V. S. A. L. P.

Coniuges stabili cursu quòd vitam ducerent, Panis Deibeneficium agnoscebant.

